



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1581 usque ad annum 1589

Fleury, Claude

August. Vind. [u.a.], 1772

VD18 90118650

§. 86. Stephani Batorii Poloniæ Regis obitus.

[urn:nbn:de:hbz:466:1-67246](https://nbn-resolving.org/urn:nbn:de:hbz:466:1-67246)

vellent, sese recipere valerent. Porro Sæcul. XVI.
A.C. 1586.
num hæc epistola Elifabethæ fuerit tra-
dita, ignoratur.

Equidem Jacobus Scotiæ Rex Ma-
riæ Stuartæ Filius, necnon Pomponius
Belleureus Franciæ Regis Orator apud
Anglos nullam non movebant lapidem,
ut iniqua hæc sententia in hanc Regi-
nam pronuntiata revocaretur: verum
Elisabetha ferme semper verbis ad frau-
dem, & simulationem compositis offi-
ciosose respondit, re tamen ipsa hujus
judicii executionem urgebat.

§. LXXXVI.

*Stephani Batorii Poloniae Regis
obitus.*

Cum interim hæc in Anglia gereren-
tur, Stephanus Batorius Poloniae Spond. hoc
ann. n. 15.
Neugabav.
in hist. Polon.
Rex die decima tertia Decembris Grod-
næ sine posteris decessit. Hic idem
primo Transylvaniæ Princeps anno au-
tem Christi millesimo quingentesimo se-
ptuagesimo sexto, postquam Henricus II.
hujus Regni diadema Carolo IX. Fratri
suo in Galliis successurus dimiserat, ad
Poloniæ solium evehebatur, cujus Re-
gni auspicia oppido fuere prospera;
nam Moscovitæ, quos bello invaserat,
eidem Livoniam cedere cogebantur,
aliæ vero Provinciæ ab eodem Rege
occupatæ pacis conditiones ad Victo-

Sæcul. XVI.
A.C. 1586. ris arbitrium acceptare compulsæ fuerunt. Ceterum Neugebaverus descripta hujus Regis morte Historiam suam de Poloniæ Regno absolverat.

§. LXXXVII.

Octo Cardinales a Sixto V. Papa creati.

Ciac. tom. 4.
pag. 161. Hoc item anno Domini millesimo quingentesimo octogesimo sexto Sixtus V. Papa tertia jam vice octo Præsules Romana Purpura decorabat, atque inter eos quinque Presbyteros, tresque Diaconos creabat, ex quibus primus erat Hieronymus de Rouvere Pedemontanus Taurinensis Archiepiscopus multis Legationibus oppido clarus, qui Presbyter titulo sancti Petri ad Vincula nominabatur. II. Philippus Lenoncurtius natione Gallus primo Episcopus Catalaunensis, postea Antiodorensis Præsul, ac demum Rheimensis Archiepiscopus, pariterque Ordinis sancti Spiritus Eques, ac Cardinalis Presbyter tit. sancti Onuphrii. III. Hieronymus Bernerius Longobardus, ac Theologus ex Ordine Fratrum Prædicatorum, postea Asculanus Episcopus, ac Cardinalis Presbyter primo tituli sancti Thomæ, dein vero sanctæ Mariæ supra Minervam, & demum sancti Laurentii in Lucina, atque Portuensis